



新選古今類腋卷之九

道德類二 容儀 剛毅 正直 識見 寬厚

謙抑

容儀

家人象曰。威如之吉。友身之謂也。○未濟爻曰。君子之光。有孚吉。象曰。君子之光。其暉吉也。

洪範曰。一曰貌。二曰言。三曰視。四曰聽。五曰思。貌曰恭。言曰從。視曰明。聽曰聰。思曰睿。恭作肅。從作义。明作哲。聰作謀。睿作聖。



國風羔羊曰。退食自公。委蛇委蛇。○栢舟曰。威儀棣  
棣不可選也。○淇澳曰。寬兮綽兮。猗重較兮。○鵙鳩  
曰。淑人君子。其儀不忒。其儀不忒。正是四國。○鄘風  
偕老曰。委委蛇蛇。如山如河。○大雅抑曰。抑抑威儀。  
維德之隅。○淑慎汝止。不衍于儀。○頌泮水曰。敬慎  
威儀。維民之則。

左傳曰。有威而可畏謂之威。有儀而可像謂之儀。君  
有君之威儀。其臣畏而愛之。則而象之。故能有其國。  
家。今聞長世。臣有臣之威儀。其下畏而愛之。故能守

其官職。保族宜家。○故君子在位可畏。進退可度。周  
旋可則。容止可觀。德行可象。聲氣可樂。動作可文。言  
語有章。以臨其下。謂之有威儀也。○視不登帶。言不  
過步。○胡傳曰。昭公喪齊。歸無感容。而不顧。取孟子  
為夫人而不命。政令在家而不能取。有子家子之賢  
而不能用。而屑屑焉。習儀以亟。能有國乎。

曲禮曰。立視五馬。式視馬尾。顧不過轂。馮規也。凡視

上於面則敖。下於帶則憂。傾則姦。○喪容纍纍。色容

顛顛。言容繭繭。此皆居喪之容。纍纍。羸憊貌。繭繭。氣低微貌。戎容暨

暨言容。諮諮。五格。色容厲。肅視容清明。此皆軍旅之容。暨暨果毅。

貌。諮諮教。令。嚴飾貌。○天子穆穆。諸侯皇皇。大夫濟濟。士澹澹。

庶人僬僬。○玉藻曰。君子之容舒遲。見所尊者齊遫。

足容重。手容恭。目容端。口容止。聲容靜。頭容直。氣容

肅。立容德。色容莊。坐如尸。○賓客主恭。祭祀主敬。喪

事主哀。會同主詡。軍旅思儉。隱情以虞。○表記曰。大

讓如慢。小讓如偽。大則如威。小則如愧。其難進而易

退也。粥粥若無能也。其容貌有如此者。○君子服其

服。則文以君子之容。有其容。則文以君子之辭。遠其

辭。則實以君子之德。是故君子耻服其服而無其容。

耻有其容而無其辭。耻有其辭而無其德。耻有其德

而無其行。是故君子衰經則有哀色。端冕則有敬色。

甲冑則有不可耻之色。○大戴禮曰。昔武王踐阼入

於戶。未嘗越履。徃未過之。不履影。○言語之美。穆穆

皇皇。朝廷之美。濟濟翔翔。祭祀之美。齊齊皇皇。車馬

之美。匪匪翼翼。鸞和之美。肅肅雍雍。

管子曰。儀者萬物之程式也。法度者萬民之表儀也。

禮義者尊卑之表儀也。故動有儀則令行。無儀則令

不行。故曰進退無儀。則改令不行。

荀子曰。禮恭然後可與言道之方。辭順然後可與言道之理。色從然後可與言道之致。

說苑曾子曰。狎甚則相簡也。莊甚則不親。是故君子之狎。足以交權。莊足以成禮而已。

中論曰。先王之制禮也。為冕服采章以旌之。為佩玉

鳴璜以聲之。欲其尊也。欲其莊也。烏可怠慢也。夫容

貌者人之符表也。符表正。故情性治。情性治。故仁義

存。仁義存。故盛德著。君子者。無尺土之封。而萬民尊

之。無刑罰之威。而萬民畏之。無羽籥之樂。而萬民樂

之。無爵祿之賞。而萬民懷之。此其所以致之者一也。

○禍敗之由也。則有媿慢以為階。可無慎乎。昔宋敏

碎首於棊局。陳靈被禍於戲言。閻那造逆於相詬。子

公生弒於嘗鼃。是故君子居身也謙。在敵也讓。臨下

也莊。奉上也敬。四者備而怨咎不作。福祿從之。○昔

晉惠公以慢瑞而無嗣。文公以肅命而興國。卻驍以

傲享徵亡。冀缺以敬妻受服。君子感凶德之如彼。見

吉德之如此。故立必磬折。坐必抱鼓。周旋中規。折旋

古今類聚 卷九  
中矩。視不離乎結綸之間。言必越乎表著之位。聲氣可範。精神可愛。俯仰可宗。揖讓可貴。動靜有常。帥禮不荒。故為萬夫之望也。

漢匡衡上元帝疏曰。聖王之自為。動靜周旋。奉天承親。臨朝享臣。物有節文。以彰人倫。欽翼祗栗。事天之容也。溫恭敬遜。承親之禮也。正躬儼恪。臨衆之儀也。嘉會和說。饗下之類也。

五行志載叔向語曰。朝有著定。會有著表。衣有綸。帶有結。會朝之言。必聞于表著之位。所以昭事序也。視不

過結綸之中。所以道容貌也。言以命之。容貌以明之。失則有闕。

晉史論王澄曰。夫衣服表容。璿璋範德。聲移宮羽。采照山華。布武有章。立言成訓。澄之箕箒。不已甚矣。若

乃解袒登枝。裸形擗雀。

王涵為荊州刺史。送者傾朝。擗不顧。乃脫衣上樹。採雀散。

以此為達。謂之高致。道揆將聖。事垂躋指。出莊子躋。姆枝指。操清獨往。自天其生者焉。

甄琛傳表翻奏謚表曰。視其狀也。則周孔聯鑣。伊顏接袵。論其益也。則窮文盡武。無或加焉。

明何大復曰。夫衣冠飾貌。人見而敬之。乘駕唱騶。人望而避之。毀冠而囚首。人不讓席矣。敝車而單行。人不讓路矣。

### 剛毅

乾文言曰。不易乎世。不成乎名。遯世無悶。不見是而無悶。樂則行之。憂則違之。確乎其不可拔。○大過象曰。君子以獨立不懼。○恒象曰。君子以立不易方。○困象曰。君子以致命遂志。

臯陶謨曰。剛而塞。彊而義。○洪範曰。沉潜剛克。高明

柔克。

大雅蒸民曰。維仲山甫。柔亦不茹。剛亦不吐。

左傳晉獻公使荀息傅奚齊。公疾召之曰。以是藐諸

孤。辱在大夫。其若之何。對曰。臣願竭股肱之力。加之

以忠貞。公曰。何謂忠貞。對曰。公家之利。知無不為。忠

也。送往事居。無猜貞也。送往者。事居者。皆無僨忌。

緇衣孔子曰。生則不可奪其志。死則不可奪其名。○

文王世子曰。為人臣者。殺其身以益於君。則為之。○

儒行曰。儒有可親而不可劫也。可近而不可迫也。可

古今類聚 卷九  
殺而不可辱也。其居處不滯。飲食不溲。其過失可微  
辨而不可面數也。其剛毅有如此者。○聘義曰。聘射  
之禮。至大禮也。質明而始行事。日幾中而後禮成。非  
強有力者弗能行也。故強有力者將以行禮也。此衆  
人之所難而君子行之。故謂之有行。有行之謂義。有  
義之謂勇敢。故所貴於勇敢者。貴其敢行禮義也。天  
下無事則用之於禮義。有事則用之於戰勝。用之於  
戰勝則無敵。用之於禮義則順治。外無敵。內順治。此  
之謂盛德。

抱朴子曰。夫節士不能使人不憎之。而道不可屈也。  
不能使人不辱之。而行猶在我也。不能使人不擯之。  
而操不可改也。

賈誼新書曰。貪夫徇財。烈士徇名。夸者死權。衆庶馮  
生。

劉子新論曰。昔徐偃王輒而國滅。齊簡公懦而身亡。  
○晉陽處父以純剛取害。鄭子陽以嚴猛致斃。此性  
大剛之過也。

史范睢告秦昭王曰。死不足為臣患。亡不足為臣憂。



古今類傳 卷九  
漆身為厲。被髮為狂。不足以為臣恥。且以五帝之聖  
鳥而死。三王之仁鳥而死。五霸之賢鳥而死。孟賁慶  
忌。夏育之勇鳥而死。死者人之所必不免也。死而少  
補。此臣之大願也。○對蔡澤曰。君子以義死難。視死  
如歸。生而辱。不如死而榮。士固有殺身以成名。惟義  
之所在。雖死無所恨。何為不可哉。

漢耿恭傳論曰。昔曹子抗質於柯盟。相如申威於河  
表。蓋以決一朝之負。異乎百死之地也。  
寇榮上書自訟曰。忠臣殺身以解君怒。孝子殞命以

寧親怨。故大舜不避塗廩浚井之難。申生不辭嬖氏  
譖邦之謗。

馮衍說田邑書曰。委質為臣。無有二心。挈瓶之智。守  
不假器。是以晏嬰臨盟。擬以曲戟。不易其辭。謝息守

邾。脅以齊魯。不喪其邑。挈瓶小智也。晏嬰不從崔杼  
戰加頸而不顧。謝息為孟孫  
孫以桃易邾

盧植傳曰。風霜以別草木之性。危亂而見貞良之節。

則盧公之心可知矣。夫蜂蠆起懷。雷霆駭耳。雖賁育  
荆諸之倫。未有不冗豫奪常者也。冗猶造次也。豫猶豫也。

魏陳思王求自試表曰。車右伏劔于鳴轂。雍門郈首于齊境。若此二士。豈惡生而尚死哉。誠念其慢主而陵言也。

晉馮紘傳論曰。田光之口。豈燕丹之可絕。豫讓之形。非智氏所能變。動靜之際。有據蒺藜。仁義之道。求之彌遠矣。

獨行傳曰。或志剛金石。而尅扞於彊禦。或意嚴冬霜。而甘心於小諒。亦有相結協好。幽明共心。蹈義凌險。死生等節。雖非通圓。其風軌有足懷者。

桓溫薦譙秀曰。太朴既虧。則高尚之標。顯道喪時。則忠貞之義彰。故有洗耳投淵。以振玄邈之風。亦有秉心矯迹。以敦在公之節。○身寄虎吻。危同朝露。而能抗節。函立誓。不降辱。杜門絕迹。不面偽庭。進免龔勝亡身之禍。退無薛方詭對之譏。雖園綺之棲商洛。管寧之出遼海。殆無以過。

列傳論曰。交霜雪於杪歲。晦風雨於將晨。嗜響或以變其音。貞柯早能全其性。楊芬千載之上。淪骨九泉之下。仁者之勇。不其然乎。至夫基構迭污。隆龍蛇俱

藪澤冲浚。巡於內輔。豁陵屬於上游。是知敬仲之美。不息檀臺之亂。審俞之忠。無救奕棋之禍。檀臺崔杼弒齊君於檀臺。奕棋衛甯喜廢置其君如奕棋然。

烈女傳論曰。繁霜降節。彰競心於後彫。橫流在辰。表貞期於生德。匪伊君子。抑亦婦人。自晉政陵夷。罕樹風檢。虧閑爽操。相繼成俗。三日歌胡。惟見增新之節。一朝辭漢。曾微戀舊之情。馳驚風埃。脫落名教。顏繼忘反於茲。為極。若惠風之數喬。屬道韞之對孫。恩斯皆寘。踐義途。匪因教至。聳清漢之喬葉。有裕微音。振

幽谷之貞蕤。無慙雅引。列傳總論曰。王經峻節。既被旌於晉世。蔡之貞固。亦改葬於齊朝。

隋房彥謙諭張衡書曰。夫賢材非尚膂力。豈繫文華。唯須正身負戴。確乎不動。譬棟之處屋。如骨之在身。所謂棟梁骨鯁之材也。

晏皓自語曰。大丈夫寧可玉碎。不能瓦全。王羈傳論曰。奮節危城。抗辭勁敵。

後魏元匡上奏靈太后誅于忠曰。事主不以幽貞格

履暑重天。不減  
堅冰之寒。何陰  
疑地無風。陰火之  
然。是以看從之  
不能返。蹈海之志  
漂梅之威。不能降  
西山之節。是於  
性者。天授。不於人  
與子。明者。時。不  
往。陰。是。以。遠。風。陵  
而不。終。最。命。為。之。寒  
動。陰。未。也。即。不。凋  
寒。木。之。心。草。木  
於。子。信。勇。之。於。而  
衡。心。之。若。如。成  
塵。碑。傳。于。金。風。之  
候。而。寒。各。之。雲。不  
飛。

古今類用 卷九  
心。奉上不以取捨虧節。是以倚秦宮而痛哭。復楚之  
功已多。陟盧龍而樹勳。廣魏之勲不淺。故申包避賞。  
君子義之。田儻拒命。良史稱焉。

郭登上疏曰。忠誠在已。敢忘報國之心。成敗在天。不  
負為臣之節。

節義傳總論曰。盛名所著。與江河而並流。峻節所標。  
與松栢而並茂。

魏收枕中論曰。岳立為重。有潛戴而不傾。山藏稱固。  
亦負趨而弗停。呂梁猶浚。能行歌而匪惕。焦原作險。

或躋踵而不致。○任重也有度。則任之而愈固。乘危  
也有術。蓋乘之而靡恤。

唐蕭瑀傳載。魏徵語曰。臣有逆衆持法。主怒之以公。  
孤特守節。主怒之以介。

張亮貶吉安。王義方為之誓。江曰。有如忠獲戾。孝見  
尤。四維廓氛。千里安流。神之聽之。無作神羞。形如死  
灰。心若鐵石。

張薦曰。真卿奉使淮西。期不先戒。行無素備。受命之  
後。不宿於家。親黨不違告別。介副不及陳請。孱僮單

古今類賦  
騎。即日載馳。冒姦鋒於臨汝。折元惡於許下。捐軀伏義。威垢辟兇。遂令脇制者回慮。忠勇者肆情。賊臣蒼黃。奔固舊穴。皆其義風所激也。

元稹述甄濟于韓愈曰。夫辨所從於居易之時。堅其操於利仁之世。而猶異懦者之所不為。蓋拂人之心。難。而害已之避深也。若甄生者。弁冕不加其身。祿食不進其口。及亂則延頸受刃。分死不回。不以不必顯而廢忠。不以不必誅而從亂。在古與今。蓋不一焉。宋呂祖謙曰。因世變有所推折。失其素履者。固不足

言。因世變而意氣有所加者。亦私心也。

王巖叟上哲宗曰。遠聲色之好。絕盤游之憂。勇於救天下之弊。果於斷天下之疑。邪說不能移。非道不能悅。此人主之剛毅也。○元帝文宗果斷。不用以逐邪佞。反用以斥賢人。此二君不識剛德之真。所謂剛者。當為之事則行。不當為者。斷弗行也。

明鄭瑗井觀鎖言載朱弁文曰。茂林豐草。被雨露於當年。絕黨殊隣。犯風雪於將老節上之毛。盡落。口中之舌。徒存。歎馬角之未生。魂消雪窖。攀龍髯而莫逮。

古今類事  
卷九  
淚洒冰天。

正直

坤爻曰。直方大。不習無不利。○大壯彖曰。大壯利貞。大者正也。正大而天地之情可見矣。

臯陶謨曰。直而溫。○洪範曰。無反無側。王道正直。○六三德。一曰正直。二曰剛克。三曰柔克。平康正直。

國風柏舟曰。我心匪石。不可轉也。我心匪席。不可卷也。○羔裘曰。羔裘如濡。洵直且侯。彼其之子。舍命不渝。○羔裘豹飾。孔武有力。彼其之子。邦之司直。○

小雅小明曰。靖共爾位。好是正直。○靖共爾位。正直是也。

左傳襄老曰。恤民為德。正直為正。正曲為直。參和為

人。○琴張聞宗魯死。將往吊之。仲尼曰。齊豹之盜而

孟縶之賊。女何吊焉。君子不食姦。不受亂。不為利疚

於回。不以回待人。不蓋不義。不犯非禮。○叔向古之

遺直也。治國治刑。不隱於親。三數叔魚之罪。不為末

臧曰。義也。夫可謂直矣。○胡傳曰。華督欲弑君而憚

孔父。劉安歆叛漢而憚汲直。曹操欲禪位。而憚孔融。

此數君子者。義形於色。皆足以衛宗社而忤邪心。奸臣之所以憚也。

表記曰。君子不以色親人。情踈而貌親。在小人則穿窬之盜也。與。

家語曰。君子之行已。期於必達。於已可以屈則屈。可以伸則伸。故屈節者所以有待。求伸者所以及時。是以雖受屈而不毀其節。志達而不犯於義。

韓非子曰。能怯之士必強毅而勁直。不能矯奸。

晏氏春秋。晏子對叔向曰。正士處世。臨衆不阿。通則

事上使卹其下。窮則教下使順其上。事君盡禮行忠。不正爵祿。不用則去而不議。其交友也。論身義行。不為苟戚。不同則踈。而不悻不毀。進於君。不以刻民尊於國。故用於上則民安。行於下則君尊。故得衆。上不疑其身。用於君。不悻於行。是以進不喪亡。退不危身。此正士之行也。

文中子曰。君子不受虛譽。不祈妄福。不避死義。

冊府元龜曰。滅私之謂公。正曲之謂直。君子之懿德也。自上古之世移。至公之道廢。則情勝於理。恩克於

古今類聚 卷九  
義心由利易。政以勢遷。自非時厥中庸。好是正直。執  
不回之道。守無頗之性。則焉能獻替可否。臨事盡節。  
靡顧於妻孥。當官而行。罔避於權右。刑奏列而無隱。  
斥問遺而不通。故能成剛毅之風。全忠信之行。  
史屈原傳曰。屈平疾王聽之不聰也。讒諂之蔽明也。  
邪曲之害公也。方正之不容也。故憂愁幽思而作離  
騷。離騷者猶離憂也。夫夫者人之始也。父母者人之  
本也。人窮則反本。故勞苦倦極。未嘗不呼天也。疾痛  
慘怛。未嘗不呼父母也。屈平正道直行。竭忠盡智以

事其君。讒人間之。可謂窮矣。信而見疑。忠而被謗。能  
無怨乎。屈平之作離騷。蓋自怨生也。國風好色而不  
淫。小雅怨誹而不亂。若離騷者可謂兼之矣。上稱帝  
嚳。下道齊桓。中述湯武。以刺世事。明道德之廣崇。治  
亂之條貫。靡不畢見。其文約。其辭微。其志潔。其行廉。  
其稱文小而其指極大。舉類迥而見義遠。其志潔。故  
其稱物芳。其行廉。故死而不容。自疏濯淖汙泥之中。  
蟬蛻於濁穢。以浮游塵埃之外。不獲世之滋垢。皜然  
泥而不滓者也。推此志也。雖與日月争光可也。



晏嬰傳曰。晏平仲在朝。君語及之。即危言。語不及。即危行。國有道。即順命。無道。即衡命。○塞侯微巧。而周文處調。君子譏之。謂其近於佞也。塞侯直不疑也。處陰重得幸。出入外內也。出石慶術。縮張叔傳。史斷言塞侯與周文皆不及此三人篤行也。日者傳。司馬季主曰。舉人也不望其報。惡人也不顧其怨。以便國家利衆為務。故官非其任。不處也。祿非其功。不受也。見人不正。雖貴不敬也。見人有汙。雖尊不下也。得不為喜。去不為恨。非其罪也。雖累辱而不愧也。

漢劉梁辨和固論曰。君子之行動。則思義。不為利回。不為義疚。進退周旋。惟道是務。苟失其道。則兄弟不阿。苟得其道。雖仇讐不廢。故解狐蒙祁奚之薦。二叔被周公之害。勃鞞以逆文為成。傅瑕以順厲為敗。管蘇以忤憎取進。申侯以愛從見退。考之以義也。

孔融傳曰。鄭昌有言。山有猛獸。藜藿為之不採。是以孔父正色。不容弑逆之謀。平仲在朝。有紆盜齊之望。若夫文舉之高志直情。真足以動義槩而忤雄心。故使移鼎之迹。事隔於人存。代終之規。啓機於身後也。

晉史臣論曰。琅琅其璞。巖巖其峯。信道居正。而以天下為公。方駕遠步。不以回路期通。

嵇康釋私論曰。不知冒陰之可以無影。而患影之不知。無情之可以無患。而恨情之不巧。其不衰哉。未有抱偽而身立清世。藏情而信著明君者也。是以君子既有其質。又觀其鑿。貴夫亮達。希而存之。惡夫矜恡。棄而違之。言無苟諱。而行不苟隱。不以愛之而苟善。不以惡之而苟非。心無所矜。而情無所繫。體情神立。而是非允常。忠感明天子。而信篤乎萬民。寄留

人臣所明者。以  
於功不貴。俸  
而成而立者。節  
于死不負。俸而  
免。因世意者  
不推折矣。其  
意。修者。因不  
是言。因世意者  
意。與者。而加  
者。私心也。

懷於人荒。垂坦蕩於永日。斯非賢人君子高行之美者乎。

宋帝策語曰。正情與皦日同亮。直氣與秋雲並爽。

唐陸贄曰。吾上不負天子。下不負所學。

宋王巖叟上哲宗曰。明是非於朝廷之上。判忠邪於多士之間。不以順已而忘其惡。不以逆已而遺其善。私求不徇於所愛。公議不遷於所憎。惜紀綱。謹法度。重典刑。戒姑息。此人主之正直也。

范純仁曰。有愧心而生者。不若無愧心而死。

坤爻象曰。含章可貞。以時發也。或從王事。知光大也。

○大有爻象曰。匪其彭無咎。明辨晷也。匪彭位高功大而令僭

擬于君 ○隨爻曰。隨有獲。貞凶。有孚。在道以明。何咎。亦位高不

過分意 ○豐爻曰。闕其戶。闕其無人。三歲不覿。凶。

左傳邾子來朝。子貢觀焉。邾子執玉高。其容仰。公受

玉。其容俯。子貢曰。以禮觀之。二公皆有死亡也。高仰。

驕也。卑俯替也。驕近亂。替近疾。君為主。其先亡乎。

禮器曰。無節于內者。觀物弗之察矣。欲察物而不由

禮弗之得矣。

荀子曰。君子位尊而志恭。心小而道大。所聽視者近

而所聞見者遠。是何耶。則操術然也。故千人萬人

情一人之情是也。天地始者。今日是也。百王之道後

王是也。君子審後王之道。而論於百王之前。若端拜

而議。推禮義之統。分是非之分。總天下之要。治海內

之衆。若使一人。故操彌約而事彌大。五寸之矩。盡天

下方。故君子不下堂而海內之情舉。積此者。則操術

然也。

聲者無以與乎  
之子之觀在耳  
者無以與乎  
勢之聲生惟  
形骸者錢鼓  
去知亦有之  
目察秋毫之末  
不見大山之形耳  
洞金石之音不  
聞雷霆之聲何  
者小者不至而  
大者不亡也  
有大者者不可  
者而挂以者小  
知者不可任以  
大功是相害處  
賢之計必遠天  
下之大數不失小

物之選者或於  
大數之卒○臨  
某而海奕不若  
房觀者之長其  
知執方而射  
不若例視者之  
得其情以與  
了者未必知事  
而不知事者必出  
于不事將兵者  
未必知兵而不知  
者必出于不兵  
○有私親也怨  
不者也者私所  
也故者不聞也者  
私慮也故者不知  
也○今夫錐之銳  
刀之利此物之敏

古今類  
卷九  
呂覽曰。以百金與搏黍以示兒子。兒子必取搏黍矣。  
以和氏之璧與百金以示鄙人。鄙人必取百金矣。以  
和氏之璧與道德之至言以示賢者。賢者必取至言  
矣。其知彌精。其所取彌精。其知彌拙。其所取彌拙。  
淮南子曰。離朱之明。察箴末於百步之外。而不能見  
淵中之魚。師曠之聰。合八風之調。而不能聽十里之  
外。○視堂下之陰。而知天地之候。日月之晷也。觀瓶  
水之冰。而知天下之寒。魚鱉之藏也。嘗一臠肉。而知  
一鼎之味。一鑊之調也。

說苑曰。鳳凰上擊於九重。絕浮雲。負蒼天。翱翔乎窈  
冥之上。夫糞田之鷄。豈能與之斷天地之高哉。鯨魚  
朝發崑崙之墟。暴鬣於碣石。暮宿於孟諸。夫尺澤之  
鯢。豈能與之量江海之大哉。本宋王對楚王問說苑載之  
蓋鐵論曰。祿不過秉握者。不足以言治。家不滿擔石  
者。不足以計事。  
抱朴子曰。夫料盛衰於未兆。探事幾於無形。指倚伏  
於理外。距浸潤於萌生者。明之功也。  
史仲連遺燕將書曰。規小節者。不能成榮名。惡小耻

者也。然其能不出于錐刀之用也。窮日之力以盡其能。不能以知。雖步至于鏡。其規不盈尺。而天地之大。乃象之象。秋毫之微。一照而洞見焉。以爲鏡。而鏡亦始。惟以爲物。亦而物亦始。來非彼也。而亦非也。非亦也。而無也。也。列明之功也。雖刀者。是也。也。至之。馬見。以馬平地。而觀之。以爲山之。即天也。至乎山之端。而後見。其者。山而無天。則高邑之。覆者。治。與里之。而無。其也。至京邑。而後見。其異耳。

者不能立大功。

商君告秦孝公曰。有高人之行者。固見非於世。有獨智之慮者。必見教於民。愚者闇於成事。智者見於未萌。

東方朔答客難曰。以管窺天。以蠡測海。以筵撞鍾。豈能通其調理。發其聲音者哉。

漢吳漢遣辨士說陳康曰。蓋聞上智不處危。以僥倖中智能。因危以為功。下愚安於危。以自亡。危亡之至。在人所由。不可不察。

陳元諧闕上疏請立左氏傳於學曰。夫至音不合衆聽。故伯牙絕絃。至寶不同衆好。故卞和泣血。○夫明者獨見。不惑於朱紫。聰者獨聞。不謬於清濁。故離朱不為巧眩。移目師曠。不為新聲易耳。

張衡上順帝疏曰。親履艱難者。知下情。備經險阻者。達物偽。故能一貫萬機。靡所疑惑。

陸機豪士賦曰。夫我之自我。智士猶嬰其累。物之相物。昆蟲皆有此情。夫以有我之量。而挾非常之勳。神器其其顧盼。萬物隨其俯仰。心既居常之安。耳飽從

古今類考 卷九  
諛之說。豈識乎功在身外。任出才表者哉。

曹毗對儒。葛曰。不登閭風。何以瞻殊目之形。不步景宿。何以觀恢廓之表。是以迷靡者循一性之智。狷介者守一方之矯。豈知大林之蔚。炎柯。冰津之濯。陽草。竹林七賢傳論曰。夫學非常道。則物靡不通。理有忘言。則在情斯遣。

齊張融語曰。昔有鴻飛。夫首。蹟遠難亮。越人以為鳧。楚人以為鳧。人自楚越。鴻常一耳。

隋李德林霸朝集曰。懸測萬里。指期來事。

秀和奏高祖曰。理雖萬變。可以一觀。來事雖懸。易以往。

文襄與崔景書曰。夫明者去危就安。智者轉禍為福。寧人負我。不我負人。

諸王列傳論曰。踐畏途而不疑。履危機而莫懼。

宋夏侯嘉正洞庭湖賦曰。智有所不通。識有所不窮。用不通。不窮。而循乎無端之紀。得無殆乎。志極則物應。思精則道來。

劉基明連珠曰。知風莫過於老駝。識路莫踰於老馬。

是以家有老僕。則故物不委諸途。國有老臣。則舊章不求之野。

楊慎璣語曰。一人之心。即天地之心。一物之理。即萬物之理。一日之運。即一歲之運。故曰。不出戶。知天下。不窺牖。見天道。○鍾期死。而伯牙之絃絕。獲人亡。而匠石之斤輟。作之難。知之難也。

### 寬厚

乾文言曰。寬以居之。○坤象曰。君子以厚德載物。○蒙爻曰。包蒙吉。納婦吉。子克家。○比爻曰。顯比。王用

三驅。失前禽。邑人不誡。吉。不待教戒而邑人皆趨于寬大○泰爻象

曰。包荒。得尚於中行。以光大也。○艮爻象曰。敦艮之

吉。以厚終也。○姤爻曰。以杞包瓜。含章。有隕自天。以言

寬厚包小人。不露聲色。則小人之禍可消。而治可復。

臯陶謨曰。御衆以簡。臨下以寬。○舜典曰。寬而栗。○

伊訓曰。代虐以寬。兆民允懷。○君陳曰。無倚法以削。

寬而有制。從容以和。有弗若于汝政。弗化于汝訓。辟

以止辟。刑也乃辟。尔無忿疾于頑。必有忍。其乃有濟。有

容德。乃大簡。刑也厥脩。亦簡其或不脩。進厥良。以率其

或不良。惟民生厚。因物有遷。違上所命。從厥攸好。其爾克敬。典在德時。乃罔不變。允升于大猷。惟予一人膺受多福。

左傳曰。川澤納汙。山藪藏疾。瑾瑜匿瑕。國君含垢。天之道也。○胡傳曰。心不外者。乃能統大衆。智不鑿者。乃能處大事。蓋之如天。容之如地。

儒行曰。尊賢而容衆。毀方而瓦合。其寬裕有如此者。○表記曰。君子不以所能者病人。不以人之所不能者愧人。○以德報怨。則寬身之仁也。以怨報德。則刑

老子曰。受國之垢。是謂社稷。主受國之不祥。是謂天下王。

戮之民也。○過行弗率。以求處厚。家語曰。水至清則無魚。人至察則無徒。國策曰。厚者不毀人以自益也。仁者不危人以要名也。故捨人之邪者。厚人之行也。救人之過者。仁者之道也。

晏子曰。君子如美淵。澤容之。衆人歸之。如魚有依。極其游泳之樂。

文中子曰。二帝三王。吾不得而見也。舍兩漢將安之乎。大哉七制之主。其以仁義公怒統天下乎。



漢卓茂傳論曰。夫寬性厚。秉近於仁。犯而不校。鄰於  
恕。率斯道也。怨悔曷其至乎。夫事積久。則吏自重。吏  
安則人自靜。傳曰。五年再閏。夫道乃備。夫以天地之  
靈。猶五載以成其化。况人道哉。

第五倫傳論曰。第五倫峭嚴為方。非夫愷悌之士。省  
其奏議。諄諄歸諸忠厚。將懲苛察之敝。使其然乎。昔  
人以弦常為佩。蓋由此矣。然而君子侈不上僭。儉不  
偏下。豈尊臨千里。而與牧園等庸乎。詎非矯激。則未  
可以中和言也。

蜀郤正釋譏語曰。樂滄海之廣深。歎嵩嶽之高峙。

晉史論曰。夫大剛則折。至察無徒。以之為政。則害于  
而國。以之行已。則凶于乃家。誠以器垂容衆。非先王  
之道也。玄亮字剛。懷與物多違。雖有崇上之心。專

行刻下之化。同薄相濟。並運天機。若思閑爽。昭理研

幽。伯仁周疑正。處腴能約。咸以高才雅道。參與疇咨。

隋長孫平傳曰。川澤納汙。所以就其深。山嶽藏疾。所  
以就其大。願弘山海之量。茂寬裕之德。

宋顏延之廷誥文曰。渾四游而幹五緯。天道弘也。振

論大功者不錄小  
過。李大夫者不祇  
細瑕。川澤之大行  
傍低昂。杉栢之  
高。尊羅斯托。  
天地之仁。曲成草  
木。之德。父母之愛  
不歸子弟之非。

河海而載山川。地道厚也。一情紀而合流貫人。靈茂也。○李彪上魏文帝表曰。體明睿之資。應保合之量。恢大明以燭物。履靜泰以和邦。史論賀拔勝曰。垂翅江右。憂魏室之危亡。奮翼關西。感梁朝之顧遇。有長者之風矣。終能保榮持寵。良有以焉。

周樂運上太宗疏曰。秦網密而國亡。漢章疎而祚永。唐朱敬則諫與太獄曰。下寬大之令。流曠蕩之澤。去萋菲之角牙。頓奸險之芒刃。塞羅織之妄源。掃月窟。

之險迹。

婁師德贊曰。師德寬厚。能以功名終始。蓋近乎勇於敢。則殺勇於不敢。則活者耶。

歐陽脩曰。以縱為寬。以畧為簡。則政事弛廢。而民受其弊。吾所謂寬者。不為苛急。簡者。不為煩碎耳。

明潘府南山素言曰。聖人之心。清明象天。故能照物。廣大象地。故能容物。

謙抑

謙彖曰。謙亨。天道下濟而光明。地道卑而上行。天道

虧盈而益謙。地道變盈而流謙。鬼神害盈而福謙。人道惡盈而好謙。謙尊而光，卑而不可踰。君子之終也。象曰：地中有山，謙。君子以裒多益寡，稱物平施。○爻象曰：勞謙，君子有終，象曰：勞謙，君子萬民服也。○无不利，撝謙。發揮其謙○鳴謙，可用行師，征邑國。言謙雖行師之大亦可為○繫辭曰：勞而不伐，有功而不德，厚之至也。語以其功下人者也。德言盛，禮言恭，謙也。者致恭以存其位者也。

大禹謨曰：汝惟不矜，天下莫與汝爭能；汝惟不伐，天下莫與汝爭功。○滿招損，謙受益。時乃天道。○仲虺之誥曰：能自得師者王，謂人莫已若者亡。好問則裕，自用則小。○說命曰：有其善，喪厥善；有其功，喪厥功。國風狼跋曰：公孫碩膚，赤烏几几。左傳曰：世之治也，君子尚能而讓其下；小人力農以事其上，是以上下有禮而讒慝黜遠，由不爭也。謂之懿德，及其亂也，君子稱其功以如小人，小人伐其技以馮君子，是以上下無禮，亂震並生，由爭善也。謂之

昏德

曲禮曰。君子恭敬撝節退讓以明禮。○坊記曰。觴酒  
豆肉讓而受惡。民猶犯齒。衽席之上讓而坐。下民猶  
犯貴。朝廷之上讓而就賤。民猶犯君。○善則稱人。過  
則稱已。則民不爭。善則稱人。過則稱已。則民讓善。善  
則稱君。過則稱已。則民作忠。善則稱親。過則稱已。則  
民作孝。○祭法曰。天子有善讓德於天。諸侯有善歸  
於天子。卿大夫有善荐於諸侯。士庶人有善本諸父  
母。存諸長老。祿爵慶賞成諸宗廟。所以示順也。○表

記曰。君子不自大其事。不自尚其功。以求處情。彰人  
之善而美人之功。以求下賢。是故君子雖自卑而民  
敬尊之。

周禮曰。大司徒以陽禮射飲教讓。則民不爭。

家語曰。聰明睿智守之以愚。功被天下守之以讓。勇  
力振世守之以怯。富有四海守之以謙。○孔子觀后  
稷廟。金人替銘曰。強梁者不得其死。好勝者必遇其  
敵。君子知天下之不可上也。故下之。知衆人之不可  
先也。故後之。溫恭慎德。使人慕之。江海雖左。長於百

君子曰大成若  
缺大盈若冲大  
直者屈大巧  
若拙大办若内

川。以其卑也。天道無親。而能下人。戒之哉。孔子既讀

之。顧謂弟子曰。此言實而中。情而信。荀子曰。兼服天下之心。高上尊貴。不以驕人。聰明聖

智。不以窮人。齊給速通。不爭先人。劉毅勇敢。不以傷人。不知則問。不能則學。雖能必讓。然後為德。韓詩外傳曰。君子有主善之心。而無勝人之色。德足以君天下。而無驕肆之容。行足以及後世。而不以一言非人之不善。故曰。君子盛德而卑。虛己以受人。旁行而不流。應物而不窮。雖在下位。民願戴之。雖欲無

尊。得乎哉。

淮南子。封丘丈人謂孫叔敖曰。人有三怨。子知之乎。叔敖曰。何謂也。對曰。爵高者士妬之。官大者主惡之。祿厚者怨處之。孫叔敖曰。吾爵益高。吾志益下。吾官益大。吾心益小。吾祿益厚。吾施益博。足以免三怨可乎。○兵強則滅。木強則折。是故。柔弱者生之幹也。而堅強者死之徒也。先唱者窮之路也。而後動者達之原也。

說苑曰。高上尊賢。無以驕人。聰明聖智。無以窮人。資

給疾速。無以先人。剖毅勇猛。無以勝人。  
文中子曰。火炎上而受制於水。水趨下而得志於火。  
故君子不欲多上人。

史樂書論曰。滿而不損則溢。盈而不持則傾。

范蠡諫越王曰。持滿者與夫。定傾者與人。節事者與  
地。

武帝徵北海太守詣行在。有文學卒史王先生者。自  
請與太守俱。吾有益於君。君許之。王先生曰。天子即  
問君何以治北海。令無盜賊。君對曰。何哉。對曰。選擇

賢材。各任之。以其能。賞異等。罰不肖。王先生曰。對如  
是。是自譽自伐。功不可也。願君對言。非臣之力。盡陛  
下神靈威武所變化也。太守曰。諾。召入。有詔問之。太  
守對如王先生。武帝大笑曰。於戲。安得長者之語。而  
稱之。以北海太守為水衡都尉。

信陵君既存趙。驕矜而有自功之色。客說信陵君曰。  
物有不可忘。有不可不忘。夫人有德於公子。公子不  
可忘也。公子有德於人。願公子忘之也。

蒯通說韓信曰。勇畧震主者身危。功蓋天下者不賞。

古今類聚  
夫執在人臣之位。而有高天下之名。切為危之。

三國習鑿齒

人者。外身虛已。內以下物。嫌忌之

名。何由而生乎。有嫌忌之名者。必與物為對。存勝負於已身者也。

漢楊雄解嘲曰。炎炎者滅。隆隆者絕。觀雷觀火。為盈為實。天收其聲。地藏其熱。高明之家。鬼瞰其室。攫拏者亡。默與者存。位極者宗危。自守者身全。

申屠剛上元后疏曰。損益之際。孔文攸嘆。持滿之戒。老子有慎。蓋聞功蓋天下者不安。威震人主者不全。

王符貴忠篇曰。嬰兒有常病。貴臣有常禍。父母有常失。人君有常過。嬰兒常病。傷於飽也。貴臣常禍。傷於寵也。愛子而賊之。驕臣而滅之。非一也。夫鳥以山為卑。而增巢其上。魚以泉為淺。而穿穴其中。卒所以得之者。餌也。

李固奏記王商曰。夫崇高則危。泰滿則溢。月盈則缺。日中則移。天地之心。福謙忌盈。是以賢達功遂身退。全名養壽。無有怵迫之憂。

張衡上靈帝疏曰。恭儉畏敬。必蒙祉祚。奢淫悞慢。鮮

不夷戮。前事不忘。後事之師也。夫情勝其性。流遯忘反。故積惡成釁。非不可解也。

崔駰承

戒竇憲書曰。今夫謙德之光。周易所美。滿

溢之愆。道家所戒。故君子福大而愈懼。爵隆而愈恭。

遠察近覽。俯仰有則。銘諸几杖。刻諸盤杆。

晉王坦之謙論曰。物之所貴。已不可收。人之所貴。我

不可取。○隆名在於矯伐。而不在於期當。匿已在於

違顯。而不在於求是。於是謙光之義。與矜兢而俱生。

卑退之義。與誇伐而並進。○桑枝不兢。瓜潤空慚。垂

大信於南服。傾吳人於漢渚。江衢如坻。襜袂同歸。而

在乎成功。弗居幅巾窮巷。落落為不係風颺者也。吳楚

之界。桑婦不爭採桑。梁與楚界。梁瓜肥而楚瓜小。楚人鋤之。梁民告於其令。令使人夜澆之。楚人自愧。

韓伯辨謙論曰。夫謙之為義。存乎降已者也。以高從

卑。以賢同鄙。故謙名生焉。孤寡不穀。人之所惡。而侯

王以自稱。降其貴也。執御執射。衆之所賤。而君子以

自目。降其賢者也。未能一觀於能鄙。則貴賤之情立。

非忘懷於彼我。則私已之累存。當其所貴。在我則矜。

值其所賢。能之則伐。處貴非矜。而矜已者。當有其貴。



言善非伐而伐善者驟稱其能。是以矜貴善之傷德者。故宅心於卑素。悟驟稱之虧理者。故情存乎不言。存情于不言。則善斯匿矣。宅心於卑素。則貴斯降矣。隋李德林天命論曰。位尊而心逾下。祿厚而志稱約。寵盛思之以懼。道高守之以恭。

李諤奏曰。人臣之道。陳力濟時。雖勤比大禹。功如師望。亦不得厚自矜伐。上要君父。况復功無足紀。勤不補過。而敢自陳勲績邪。

宋顏延之廷誥文曰。若乃言不出於戶牖。自以為道義。又立才未信於僕妾。而曰我有以過人。於是感首銳之志。馳傾軼之望。豈悟已挂有識之裁。入脩家之誠乎。

魏李彪上魏文帝表曰。謙尊而光。為而弗有。可謂四三皇而六五帝矣。宜功垂於竹帛。聲播於金石。後魏誥曰。大道凝虛。至德冲挹。故君王法玄猷以御世。聖人崇謙光而降美。

常景讚述曰。夫人之度。邈於無階之天。勢位之危。深於不測之地。餌厚而躬不競。爵降而心不係。守善於

已成懼愆於未敗。

明楊慎璅語曰。將飛者翼伏。將奮者足踞。將噬者爪縮。將文者且朴。孫武云。始如處女。敵人開戶。後如脫兔。敵不及拒。范蠡曰。見之似好婦。奪之似懼虎。故曰。時至而應。心暇者勝。夫抗兵相加。哀者勝矣。夫惟鴻門之不爭。故垓下莫之與爭。

潘府南山素言曰。薦賢惟恐後。論功惟恐先。古之道也。

拘虛寤言曰。豐體者多痺。脩驅者易躓。氣之難周。力之不逮也。故君子懷自盈之憂。耻過人之譽。

古之君子甚處已也。厚其取名也。廉。衣成則缺。衽官成則缺。隅。欲剛者。又以柔守之。欲強者。必以弱保之。積於柔。則剛。積於弱。則強。觀其所積。以知福禍之俾。夫明而晦。用之剛而柔。出之此。尤。曠之竟。伸。至。矜之如。施也。知之極者。知智果不足。以用物。故愚。力之極者。知力果不足。以喻物。故。油。勇之極者。知勇果不足。以勝物。故。怯。言。高。世。外。之。逾。唯。其。差。一。時。休。之。弥。冲。德。厚。者。無。盈。色。德。薄。者。無。卑。辭。如。鐘。磬。鳥。愈。大。者。声。愈。低。薄。者。反。是。

新選古今類腋卷之九 終

大正

大正

大正

大正

大正

